



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans**

**Kinckius, Matthias**

**Coloniæ, 1662**

De coloribus paramentorum,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

## DE COLORIBVS PARAMENTORVM

## XVIII.

1. Paramenta Altaris, Celebrantis, & ministrorum, debent esse coloris convenientis Officio, & Missæ diei secundum usum Romanæ Ecclesiæ, quæ quinque coloribus uti consuevit, Albo, Rubro, Viridi, Violaceo, & Nigro.

2. Albo colore utitur à Vesperis Vigiliae Nativitatis Domini usque ad Octavam Epiphaniæ inclusivè, exceptis festis Martyrum, quæ infra eam veniunt FERIA quinta in Cœna Domini, & Sabbatho sancto in Officio Missæ, & ab illo die usque ad Sabbathum in Vigilia Pentecostes ad Nonam, in officio de Tempore, præterquam in Missa Litaniarum & Rogationum. In festo Sanctæ Trinitatis. In festo corporis Christi. In festo Transfigurationis Domini. In festis Beatae Mariæ Virginis, præterquam in benedictione Candelarum, & Processione quæ fit in festo Purificationis ejusdem. In festis Angelorum. In Nativitate S. Joannis Baptistæ. In principali festo S. Jo-

nis

nis Evangelistæ, quod celebratur infra Octavam Nativitatis Domini. In utraque Cathedra S. Petri. In festo S. Petri ad Vincula. In Conversione S. Pauli. In festo omnium Sanctorum. In festis Confessorum Pontificum, & non Pontificum, & Doctorum. In festis sanctarum Virginum non Martyrum, & nec Virginum nec Martyrum. In Dedicatione & Consecratione Ecclesiæ vel Altaris, ac in Consecratione summi Pontificis, & in Anniversario Creationis & Coronationis ejusdem, & Electionis & Consecrationis Episcopi. Item per Octavas prædictorum Festorum, quæ Octavas habent, quando dicitur Missa de Octava, & in Dominicis infra eas occurrentibus, quando in eis fit Officium de Dominica, præterquam in illis Dominicis, quibus tributus est color violaceus. In Missis Votivis supradictorum festorum, quocunque tempore dicantur: In Missa pro sponso & sponsa.

5. Rubeo colore utitur à Vigilia Pentecostes in Missa usque ad Sabbatum sequens finita Nona & Missa. In festis S. Crucis. In Decollatione S. Joannis Baptistæ. In Natali Apostolorum

C 5

Petri

Petri & Pauli, & in festis aliorum Apostolorum (exceptis, festo Principali S. Joannis Evangelistæ post Nativitatem, & festis Conversionis S. Pauli, & Cathedrae S. Petri, & ejus vinculorum.) In festo S. Joannis ante portam Latinam. In Commemoratione S. Pauli Apostoli. In festis Martyrum, excepto Festo Sanctorum Innocentium, quando non venerit in Dominica: si autem in Dominica venerit, utitur Rubeo: in ejus verò die Octava semper utitur Rubeo, quocunque die occurrat. In festis SS. Virginum Martyrum, & Martyrum non Virginum. Item per Octavas prædictorum festorum quæ Octavas habent, quando sit de Octava, & in Dominicis infra eas Octavas occurrentibus, eodem modo ut dictum est supra de colore Albo. Item in Missis Votivis supradictorum festorum, & in Missa pro eligendo summo Pontifice.

4. Viridicolore utitur ab octava Epiphaniæ usque ad Septuagesimam, & ab Octava Pentecostes usque ad Adventum exclusivè, in Officio de Tempore, excepta Dominica Trinitatis ut supra: ac exceptis Dominicis infra Octavas

Octavas occurrentibus, in quibus color Octavarum servatur: exceptis etiam Vigiliis, & Quatuor temporibus, ut infrà.

6. Violaceo colore utitur à prima Dominica Adventus in primis Vesperis, usque ad Missam Vigilæ Nativitatis Domini, inclusivè: & à Septuagesima usque ad Sabbatum sanctum ante Missam inclusivè, in officio de Tempore: excepta Feria quinta in Cœna Domini, in qua utitur Albo, & feria sexta in Parasceve, in qua utitur Nigro, ut infrà: & benedictione Cerei in Sabbatho sancto, in qua Diaconus illius Præfationem dicens solus utitur Albo, ea autem finita, Violaceo ut prius. Item in Vigilia Pentecostes, ante Missam à prima Prophetia usque ad benedictionem Fontis inclusivè. In Quatuor temporibus, & Vigiliis quæ jejulantur, exceptis Vigilia & Quatuor temporibus Pentecostes. In Missa Litaniarum in die S. Marci Evangelistæ, & Rogationum, & in Processionibus quæ his diebus fiunt. In festo SS. Innocentium, quando non venerit in Dominica. In Benedictione Candelarum, in die Purificationis B. Mariæ, & in Benedictione Cinerum, ac

Palmarum, & ipsa Dominica in Palmis, & in eorundem, ac generaliter in omnibus Processionibus: exceptis Processionibus sanctissimi Sacramenti, & quæ fiunt in diebus solennibus, vel pro gratiarum actione. In Missis de Passione Domini, Pro quacunque necessitate, Pro peccatis, Ad tollendum schisma, Contra Paganos, Tempore belli, Pro pace, Pro vitanda mortalitate, Pro iter agentibus, & pro infirmis.

6. Nigro colore utitur Feria sexta in Parasceve, & in omnibus Officiis & Missis Defunctorum.

### DE QUALITATE PARAMENTO- rum.

#### XIX.

1. In Officio Missæ celebrans semper utitur Planeta super Albam.

2. Si autem sit Episcopus, & solenniter celebret, super Dalmaticam & Tunicellam.

3. Pluviali utitur in Processionibus, & Benedictionibus, quæ fiunt in Altari. Item in Officio Laudum, & Vesperarum, quando solenniter dicuntur. Eodem utitur assistens Celebrans.

bran-